

REFERAT IIIA - Isumaginninnermut Inunnullu Innarluutilinnut Ataatsimiititaq d. 26-10-2021

Mødedato Tirsdag d. 26. oktober 2021 kl. 18:00

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	6
Oqartussaaffeqarfiup angusai sullissinermullu anguniagai - 3. kvartali 2021.....	10
Suliat Suliffeqarnermut Isumaginninnermullu Ingerlatsivimmut attuumassuteqartut Isumaginninner	13
Piffissami 2021-mi juulimiit 2021-mi septembarimut pissaanermik atuisimaneq pillugu nalunaaruti	17
Angerlarsimaffeqanngitsut ajornartoornermi unnuisarfiannik ingerlatsinermik tiguserup killiffissi	20
2022-mi suliat allaaserineqarnerat.....	23
Suliffeqarnermut Isumaginninnermullu Ingerlatsivimmi piginnaatitsinermik agguataarinissamut pil	26
2022-mi politikikkut ataatsimiiffissat.....	29
Lukket.....	31
Imaqarniliap akuerineqarnera.....	32

Punkt .: Saqqaa

Ilaasortat

Inge Olsvig Brandt (IA)

Lone Rosengreen Pedersen (IA)

Avaaraq S. Olsen (IA)

Poul Petersen (D)

Mala Høy Kúko (S)

Beslutning

Peqataasut:

Inge Olsvig Brandt (IA)

Lone Rosengreen Pedersen (IA)

Poul Petersen (D)

Oqarasuaatikkut:

Dorthe-Marie Fontain-Mogensen (S)

Ataatsimiissinnaanatik nalunaartut:

Avaaraq S. Olsen (IA) peqataasinnaanani nalunaarpoq.

Sinniisoq Harald Bianco (IA) peqataanngilaq.

Mala Høy-Kuko (S) peqataasinnaanani nalunaarpoq

Sinniisoq Dorthe-Marie Fontain-Mogensen (S) aggersarneqarpoq peqataallunilu.

Punkt .: Oqaluserisassat akuerineqarneri

Beslutning

Oqaluserisassat akuersissutigineqarput.

Punkt .: Nalunaarutit

- 2a. Siulittaasumit nalunaarutiit
- 2b. Ingerlatsivimmiit nalunaarutit

Beslutning

- 2a. Siulittaasumit nalunaarutit

Innarluutilinnut sapaatip-akunneqartitsinermi Katuami naggasiinermi OCN-mi pikkorissartitsineq pillugu allagartanik tunioraasimanini pillugu nalunaaruteqarpoq.

Tsiu-tiu pillugu Borgmesteri sinnerlugu naapitsisimallugu nalunaaruteqarpoq.

- 2b. Ingerlatsivimmiit nalunaarutit

Sapaatip-akunnerani 41-mi innunnt innarluutilinnut sapaatip-akunnera ingerlanneqarpoq. Ukioq manna "tikikkuminartuunissaq" qulequtarineqarpoq.

Nuummi ataasinngornermi Amisuni ammaanersiortoqarpoq, ataatsimiititami siulittaasoq Inge Olsvig Brandt ammaanermi oqalugiartuulluni. Kingornatigut ornittagaq Kammagiinnut ingerlaaqatigiittoqarpoq, pølsinik sodavandinillu sassaallertoqarluni. Marlunngornermi aalisariartoqarpoq, iluatsilluartumik, kingusinnerusukkat aalisakkat nerisassiarineqarput pingasunngornermilu nereqatigiinnermi sassaalliutigineqarlutik. Sisamanngornermi bankoRSUAARTOQARPOQ aningaasaliissutinik akissarsiasartalinnik, 30-t missaat peqataapput. Tallimanngornermi sapaatip akunnera naggataarlugu Katuami kaffeqarlunilu kaageqarpoq, OCN-imullu allagartat tunniussuunneqarlutik aammalu ataatsimiititami siulittaasoq Inge Olsvig Brandt oqalugiartuni.

Sapaatip akunnera 42-imi suliassaqarfanni utoqqarnut tunngassuteqartuni aqutsisut workshopertinneqassapput, utoqqaat najugaqatigiiffiini, utoqqaat illuini, angerlarsimaffimmi ikiorteqarfanni tulleriissaarisartunilu aqutsisut aamma peqqissutsimut ataqatigiissaarisooq peqataatinneqassallutik. Workshopertitsinermi aqutsisut misilittakkatik paarlaasseqatigiipput, ataatsimut anguniagaliortutik suleqatigiinnissamullu isumaqatigiissusiorlutik. Workshopertitsinermi qulequtarineqarput assigiimmik suleriaaseqarneq, sulisunik nutaanik peqataalersitsineq attaveqarnerlu.

Suliffissarsiuussisarfirmi nuna tamakkerlugu fagchefit sullissivinnilu aqutsisut ulloq 18-19. novembari Nuummi ataatsimiinneranni Majoriami aqutsisut aningaasanillu aqutsinermi sulisunut aqutsisunik isumasioqatigiinneq aqqissuunneqarpoq. Isumasioqatigiinnermut siunertaavoq siunissami Majoriami suliniutissat aammalu 2022-mi missingersuutit eqqartornissaat.

Suliffeqarnermut Isumaginninnermullu Ingerlatsivimmi pisortaq Ejner Grønvold ulluni 29. septembarimiit 2. oktobarimut Tasiilamiippoq. Angalanermi siunertaavoq, Tasiilami pissutsit nalinginnaasut takunissaat aammalu ingerlatsiviup akisussaaffeqarfii assigiinngitsut kiisalu sulisunik ilassinninnissaq.

Punkt 1: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Beslutning

Ilisimatitsissut tusaatissatut tiguneqarpoq.

Bilag

Suliffissaaleqisut kisitsisaannut takussutissiat

Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Ilisimatitsissut

SagsID.: EMN-2021-13863

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivik suliffissaaleqineq anigorniarlugu suliniutit kiisalu suliffissaaleqisut amerliartornerat pillugit ataavartumik ilisimatitsissuteqartarpoq. Matumani ilisimatitsissut 2021-mi aggustum septembarimullu tunngasuuvoq.

Nuuk

Nuummi Majoriaq nutaamik sullissivimmi aqutsisumik atorfinittoqarnerata kinguneranik sulisoqarnikkut aqutsinermik aammalu suliassat pingaernerit suliarineqartarnerannut tunngatillugu allannguissamik suliarinnippoq. Suliffissarsiortunut iliuusissanik pilersaarusioreq suliarineqarpoq, taamaalilluni Majoriami suliffissarsiortut sulisinnaassutsikkut piginnaasaat takuneqarsinnaalluni aammalu matchgruppe sorlermiinneri takuneqarsinnaanngorlutik. Majoriami inuusuttut akornanni saaffiginnilluni siunnersuinerit aallartinneqareerput siunissaq ungasinnerusoq eqqarsaatigalugu matchgruppimi allannguisoqassalluni aammalu suliffissanut innersuussisoqartassalluni.

Paamiut

Paamiuni Majoriaq ukiup affaani siullermi sulisut ilinniagaqarnerat pissutaalluni pisoqarfiuvallaarsimangilaq. Maannakkulli pingaarnersiullutik ilitsersuinerit, kajumilersitsiniarnernik, piginnaanngorsaqqiinerit suliffeqarfinnullu pulaarnernik aammalu saaffiginnilluni ilitsersuinerit iliuuseqarlutik aallartereerput.

Tasiilaq

Piffissami qaangiuttumi sulisut akornanni ilinniagaqartoqareersoq aammalu sulinnigiffeqartoqareersoq pingaarnersiulluni iliuuseqarnerit, soorlu ilitsersuinerit, kajumilersitsiniarnerit, piginnaanngorsaqqiinerit aammalu saaffiginnilluni ilitsersuinerit aallartinneqassapput.

Ittoqqortoormiit

Illoqarfimmi suliffissaaleqineq suli appasippoq. Ingerlaavartumik suliarnik sullissinerit/ilitsersuinerit, aamma illoqarfimmi suliffeqarfinnik pitsaasumik suleqateqarnerit suliffissarsiortut amerlassusaannut ilorraap tungaanut sunniuteqarput.

Kommuneqarfik Sermersuumi suliffissaaleqisut nikerarnerat

Kommuneqarfik Sermersuumi suliffissaaleqisut amerlassusaat suli ikiliartorput, 2019 aamma 2020-miit appasinnerulluni. Ilanngussami takussutissiat 1 aamma 2 takukkit.

Piffissami tassani innersuunneqarsimasut nalunaarsorneqarnerat

Suliffeqarnermut Isumaginninnermullu Ingerlatsivimmit suliffissaaleqisut suliffittaarnissaannik innersuussisarneq suli sulissutigineqarpoq. Matumani piffissami innersuunneqarsimasunut nalunaarsuinerit tulliuttumi takuneqarsinnaapput.

Sumiiffik	Aggusti	Septembari
Nuuk	17	35
Paamiut	21	26
Tasiilaq	0	0
Ittoqqortoormiit	0	0
Nunaqarfinni tamani	0	0

Matchgruppinit agguataarinerit naatsorsorneqarnerat

Suliffeqarnermut Isumaginninnermullu Ingerlatsivimmit matchgruppimut agguataarisarneq suli immikkut ukkatarineqarpoq. Tamanna pillugu Suliffeqarnermut Isumaginninnermullu Ingerlatsivimmit qulaajaaneq annertoq aallartinneqarpoq. Taamatut ingerlatsinikkut suliffissaaleqisut katitigaanerisa allanngortinneqarnissaat naatsorsuutigineqarpoq, matumani matchgruppe 2-miittut ikilisinneqarnissaat immikkut pineqarpoq. Ilanngussami takussutissiaq 3 takuuk.

Avataaniit suliartortut naatsorsorneqarneri

Aggusti	
Akuersissutit amerlassusii	46
Itigartitsissutit amerlassusii	7
Sivitsuinerit amerlassusaat	2
Aalajangiinerit katillugit	55

Septembari	
Akuersissutit amerlassusii	47
Itigartitsissutit amerlassusii	5
Sivitsuinerit amerlassusaat	8
Aalajangiinerit katillugit	60

Akuersissuteqaatit assigiinngitsut atorfinni immikkoortitani sumiinnerisut ilanngussami 4-mi takukkit.

Saaffiginnilluni siunnersuisarneq

Majoriaq inuusuttunut 16-30 akornanni ukiulinnut saaffiginnilluni ilitsersuinermik suliaqartarpoq. Saaffiginnilluni ilitsersuineri sullinniakkat inuusuttuupput suliffissaaleqisut aammalu ilinniakkamik ingerlatsinngitsut, aammalu kommunip systemiani allatorneqasimanngitsut. Inuusuttut siusinaartumik pensionisiallit imaluunniit innarluuteqartut saaffigineqarneq ajorput.

Killiffik fase 01.10.2021	Inuusuttut amerlassusaat tamakkerlugu
Nuuk	4.195
Qeqertarsuatsiaat	33
Paamiut	259
Arsuk	15
Tasiilaq	479
Sermiligaaq	46
Isortoq	11
Kulusuk	51
Tiileqilaaq	20
Kuummiut	62
Ittoqqortoormiit	82
Katillugit	5.253

Suliffissarsiuussisarfimmi saaffiginnilluni ilitersuineri akuutitsilernissamut periusissiaq ukiunut tulliuuttunut pingasut-sisamanut atuuttusaaq suliarineqarpoq. Suliffissarsiuussisarfimmi sullinniakkat ilaat inuusuttut saaffiginnilluni ilitersorneqartussat amerlassusaasa paasilluarnissaat killiffiuvoq. Tabelimi takuneqarsinnaavoq inuusuttut 16-30-illu akornanni ukiullit amerlassusaat tamakkiisoq.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumi suliffissaaleqinerup allannguuteqartarnera pisortanit ikiorsiissutitut kiisalu suliffeqanngikkallarnermi pisartakkanut aningaasartuutitut sunniuteqartarput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq.

Ilanngusaaq

1. Suliffissaaleqisut kisitsisaannut takussutissiat

Punkt 2: Oqartussaaffeqarfiup angusai sullissinermullu anguniagai - 3. kvartali 2021

Beslutning

Ilisimatitsissut tusaatissatut tiguneqarpoq.

Oqartussaaffeqarfiup angusai sullissinermullu anguniagai - 3. kvartali 2021

Ilisimatitsissut

SagsID.: EMN-2021-14786

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- Oqartussaqaarfimmi angusassatut kiffartuussinermilu anguniakkat pillugit ilisimatitsissut tusaatissatut tiguneqassasoq

Suliassamik saqqummiussineq

Oqartussaqaarfimmi ulluinnarni sulinermi innuttaasut pitsaanerpaamik sullinneqarnissaat ukkatarineqarpoq. Innuttaasup qitiutinneqarnissaa annertuumik pingaartinneqarpoq. Oqartussaqaarfiup matchgruppe 3-miittut iliuusissamik pilersaarusiorneqarnissaat pitsanngorsaaviginissaa ilaatigut qitiutinneqarpoq, tassaniimmata innuttaasut timikkut inooqataanikkulluunniit ajornartorsiuteqarneq pissutigalugu sulileriaannaangitsut.

Pisortanit ikiorsiissuteqartitsinerup siunertaraa, innuttaasut, Kalaallit Nunaanniittut, allatigut periarfissaqanngikkaangata allatigullu ikiorneqarnissamut periarfissaarukkaangata aningasaqarnikkut isumannaatsumik inissisimanissaat. Tassa imaappoq, pisortatigut ikiorsiissutit tunniunneqartinnagit kommunip aningaasaqarnikkut tapiissutinik allatigut periarfissaasinnaasut misissoqqaarnissaat pisussaaffigaa.

Pisortatigut ikiorsiissutinut peqqussummi iliuusissatut pilersaarutit innuttaasumut neqeroorutaapput. Tassa imaappoq, innuttaasooq iliuusissatut pilersaaruteqarnissaa piunasaqaataaangilaq, innuttaasorli iliuusissamik pilersaarusiornissamut neqeroorfigineqassaaq. Suliffeqarnermut Isumaginninnermullu Ingerlatsivimmit innuttaasut anguniagaqarluarluni sullinnissaat pingaaruteqartoq misilittagarineqarpoq, tassungalu siunertamut iliuusissatut pilersaarutit sakuupput pingaaruteqarluinnartut. Tamanna pillugu kikkut tamarmik sapinngisamik iliuusissatut pilersaarusiunnissaat sulissutigineqarpoq.

Qaammatit pingasukkuutaarlugit pisortatigut ikiorsiissutinik pisartut eqqortumik naleqquttumillu tunineqartarneri qulakkeerniarlugit malitseqartinneqartarput.

Oqartussaqaarfimmi isumaginninnermut siunnersortit sullissisullu tamakkerlutik innuttaasunik sullissinerup sapinngisamik tamakkiisuunissaanik qitiutitsillutik sulipput. Tamanna aallaavigalugu sullissinissamik anguniakkat ukuupput:

- Pitsaasumik, sukumiisumik piffissaatillugulu sullissinissaq qulakkeerneqassasoq
- Pitsaasumik innuttaasunik sullissineq qulakkeerneqassasoq
- Sillimaffiginngisamik innuttaasooq nalaataqartillugu isumaginninnermut siunnersortimik/ sullissisumik erngertumik oqaloqateqarsinnaanera pisinnaasarpoq
- Sillimaffigisassaangitsunik saaffiginilluni piffissamik inniminniinermit oqaloqateqarnissamut utaqqineq ullunik 14-inik sivisunerussanngilaq

- Ulluinnarni nal. 8:30-10 sisamangornikkullu nal.16-17 oqarasuaatit ammasarput
- Innuttaasut utoqqaat, pitsorluttut innarluutililluunniit angerlarsimaffiitut isumagininnermut siunnersortimit ornineqarsinnaapput.
- Isumagininnermik Sullissivimmi isumagininnermut siunnersorti pinartoqartillugu pigaartoq saaffiginninnermik tigooraasusarpoq
- Qinnuteqaatit suliarineqarnissaannut utaqqineq ullunik 10-nik sivisunerussanngilaq
- Akiligassat suulluunniit piffissaatillugu akilernerqartut 95 procentimiinnissaat
- Oqaloqatiginninnerit 90 procentiisa ullut 10-t iluini pisarnissaat
- Innuttaasut tamarmik matchgruppe 3-miittut iliuusissatut pilersaarusiorfigineqassapput
- Siusinaartumik pensionisiaqalernissamat qinnuteqaatit suliarineqartarnerisa siviinnerulersinnissaat
- Ineqarnermut tapiissutinik qinnuteqaatit suliarineqartarneri ullut tallimat iluini pisassasoq
- Isumagininnermik Sullissivik ingerlatsivimmut tamarmut aallaaveqartumik sullissiviuvoq Saaffikkuminartuupput inussiarnersuullutillu. Kommunip ammanerata nalaani ammasarpoq
- Pisortanit ikiorsiissutinik qinnuteqaatit suliarineqartarneri tamarmik ullut qulit iluini pisarput

Pisortanit ikiorsiissutisisut amerlassusiat	749
Isumagininnermik Sullissivimmut saaffiginninnerit amerlassusiat	3879
Piffissaq eqqorlugu akiliinerit procentinngorlugu naatsorsorneqarneri	95%

Aaqqiissutissatut siunnersuut – suliaticigut naliliineq

Suliffeqarnermut Isumagininnermullu Ingerlatsivimmi Oqartussaqaarfiup kissaatigaa, siunertalimmik anguniakkat amerlassusiat pillugu ammanerunissaq, tassungalu ilanngullugu aqutsisunut ilisimatitsisarnissaq kvartalikkuaartumik pisartussaqaq siunertalimmik anguniakkat kisitsisinngorlugit takussutissaliortoqartassasoq.

Ingerlatsivimmit aningaasatigut sulisoqarnikkullu naliliinerit

Ilanngussaqaanngilaq.

Suliffeqarfimmut Kiffartuussivimmit aningaasatigut naliliineq

Pisariaqaanngilaq.

Inatsisitigut tunngavissaq allakkallu tunngaviusumik uppersaatitalit

Ilanngussaqaanngilaq.

Ilanngussat

Ilanngussaqaanngilaq.

Punkt 3: Suliat Suliffeqarnermut Isumaginninnermullu Ingerlatsivimmut attuumassuteqartut Isumaginninnermi Maalaaruteqartarfimmeersut

Beslutning

Ilisimatitsissut tusaatissatut tiguneqarpoq.

Suliat Suliffeqarnermut Isumaginninnermullu Ingerlatsivimmu attuumassuteqartut Isumaginninnermi Maalaaruteqartarfimmeersut

3. kvartal 2021

Ilisimatitsissut

SagsID.: EMN-2021-14632

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu
Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

3. kvartal 2021-imi Suliffeqarnermut Isumaginninnermullu Ingerlatsivik Isumaginninnermi
Maalaaruteqartarfimmit aalajangiinernik 52-inik tigusaqarpoq.

Piffissami tamatumani innuttaasut ima amerlatigisut pisortanit ikiorsiissutinik pisartagaqarsimapput:

Ikiut	Ikiutininik pisartagallit amerlassusaat
Pisortat ikiorsiissutaat illumut kinguaattoorutit ilanngullugit	881
Siusinaartumik pensionisiallit	1010
Utoqqalinersiat	1170
Suliffeqanngikkallarnermi ikiorsiissutit	122
Ineqarnermut akiliummut tapiissutit	1444
Ernereermermi ullormusiat	153
Katillugit	3757

Suliat Isumaginninnermik Naammagittaalliuuteqartarfimmeersut ima agguataarsimapput (KS =
Kommuneqarfik Sermersooq):

Suliap suussusaa	Kommune ilalerner- qarpoq	KS'p aalajangiinera atorunnaarsinneqarpoq/al- lanngortinneqarpoq innuttaasoq ilalernerqanngikkaluartoq	Atorunnaarsin- neqarpoq	Utertin- neqartut	Innuttaa- soq ilalerner- qarpoq
Utoqqaliner- sialit			3	6	
Suliffissaa- leqisunik ikiorsiineq	3		2	5	
Erninermi sulinnngiffe- qarnerit.			1		
Ineqarnermut akiliummut tapiissutit	1		2	3	

Siusinaartu- mik pensionisiallit	1	1	3	5	
Pisortanit ikiorsiissutit	3			6	
Allat			7		
Tamakkerlu- git	8	1	18	25	

Takussutissami takuneqarsinnaasutut, Isumaginninnermik Isumaginninnermut Suliffeqarnermut Isumaginninnermullu Ingerlatsivik suliani 8-ni ilalersimavaat; 25-t utertinneqarput; suliani 0-ini naammagittaalliuteqarnermini ilalernerqarsimasoqanngilaq suliamilu ataatsimi DSA ingerlatsiviup aalajangiineranik ataatsimik atorunnaarsitsisimavoq imaluunniit allangortitsisimavoq.

Ingerlatsiviup aalajangiineranik DSA-p atorunnaarsitsineranut imaluunniit ingerlatsiviup aalajangiineranik allangortitsineranut pissutaasinnaavoq, DSA-p nalilerpagu, Isumaginninnermut Suliffeqarnermullu, innuttaasoq naammagittaalliutimini ilalernerqarsimannikkaluartoq, Ingerlatsivik kukkusumik imaluunniit inatsisinut naapertuutinningsumik aalajangiisimappat. Assersuutitut taaneqarsinnaavoq, ingerlatsivik siusinaartumik pensionisiaqalersussaanningsumut siusinaartumik pensionisiaqalersitsisimappat.

Sulianik utertitsineq isumaqarpoq, suliat Isumaginninnermut, Suliffeqarnermut Inuussutissarsiornermullu Ingerlatsivimmut suliakkiissutigineqaqqittut. Tassunga pissutaasinnaavoq, suliamut paasissutissat amigarsimasut, taamaasilluni Isumaginninnermi Naammagittaalliuteqartarfik aalajangiisinnaajunnaarlugu. Taamaattumik ingerlatsiviup suliaq suliareqqissavaa, tamannalu aalajangiisimanerup assinga kinguneqarsinnaavoq imaluunniit nutaamik aalajangiisoqarluni.

Utertitsinnermut pissutaasut amerlasoorsuusinnaapput. Assersuutigalugu innuttaasumit paasissutissat amigaataappata nutaanilluunniit paasissutissanik takkuttoqarsimappat. Imaassinnaavorluunniit kommune qinnuigineqartoq aalajangiineq annertunerusumik tungavilersoqqullugu.

Suliani 25-ni 18-it 2019-2020-mi aalajangiinerupput. Sulianilu sisamani, kommunip ilalernerqarfigisai, tassaapput piffissami 2019-2020-meersut. Aalajangiinernut pisoqaanerusunut pissutaavoq DSA-mi sulianik suliarinninnermi piffissaq atorneqartartoq.

Utertitsineq tungaviusumik pissuteqarpat, ingerlatsivimmit malinnaavigineqassaaq utertitsineq sulianut assingusunut suleriaatsimik allangortitsinissamut pissutissaqarnersoq.

Nalinginnaasumik Suliffeqarnermut Isumaginninnermullu Ingerlatsiviup DSA-mi aalajangikkat malinnaaffigisorujussuusarpai. Taamaattumik ingerlatsivimmi assersuutigalugu DSA-mi aalajangikkat malitseqartinniarlugit ingerlatsivimmi sulisut pingaernerit aalajangersimasumik ataatsimiittarput.

DSA sionatigumut naleqqiullugu nutaamik suliareqqitassanngortitsilluni amerlanerusunik utertitsisarpoq. Suliat utertinneqartartut ikilisarneqarnissaat ingerlatsiviup anguniarpaa, taamaaliornikkut suliat eqqortumik, paasinartumik tungavilersorluakkamillu suliarineqarnissaat qulakkeerneruniarlugu.

Innuttaasut ataasiakkaat pisariaqartitaat inatsillu atuuttoq eqqarsaatigalugit aalajangiisarnerit eqqortuunissaat, Isumaginninnermut, Suliffeqarnermut Inuussutissarsiornermullu Ingerlatsiviup sullissinerup pitsaassusaa qulakkeerniaruassavaa. Suliat naammassisimasut kisitsinngorlugit Ingerlatsivimmit kvartalikkaarlugit saqqummiunneqartalissapput.



Ingerlatsivimmit aningaasatigut sulisoqarnikkullu naliliinerit
Ilanngussartaqanngilaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppersaataatillit
○ Kommuneqarfik Sermersuumut oqartussa qarfiit immikkoortortaannut pilersaarut

Ilanngussa
Ilanngussartaqanngilaq.

Punkt 4: Piffissami 2021-mi juulimiit 2021-mi septembarimut pissaanermik atuisimaneq pillugu nalunaarutinik ilisimatitsissut

Beslutning

Ilisimatitsissut tusaatissatut tiguneqarpoq.

Piffissami 2021-mi juulimiit 2021-mi septembarimut pissaanermik atuisimaneq pillugu nalunaarutinik ilisimatitsissut

Ilisimatitsissut

SagsID.: EMN-2021-13792

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Ataatsimiititaq ilisimatinneqartassaaq pissaanermik atuisimanerit pillugit nalunaarusianik, qaammatit pingasut qaangiunneri tamaasa. Ilisimatitsissummi paasissutissat nalunaaruteqarnermi immersukkat attuumassuteqartut ikiorsiullugit katersorneqarput.

Utoqqarnut aamma Inunnut Innarluutilinnut kiisalu Inunnut Tarnimikkut nappaatilinnut tunngasuni pissaanermik atuineq pillugu nalunaaruteqartarneq annikitsuinnaavoq. Pissaanermik atuisimaneq pillugu nalunaarutit ikittuinnaaneranunat nalunaaruteqanngittarneq pissutaaratarsinnaavoq. Taamaattumik suliniutit sulii aallunneqassapput, eqqortumik nalunaarutiginnittarnissamik qulakkeerinneqataasussat.

Pissaanermik atuisimaneq takussutissaliorneqartarpoq, qulakkeerniarlugu pissaanermik atuisoqarsimanermit tunngasunik suliaqartoqartillugu innuttaasut sulisullu perorsaanermit tunngasunik suliatigullu eqqarsaatigineqarsinnaasunik eqqortumik iliortoqarsimaneranik uppersaatissaqarnissaq.

Ilisimatitsissut una piffissami 2021-mi juulimiit 2021-mi septembarimut atuuppoq. Ilisimatitsineq tullegg piffissami 2021-mi oktobarimiit 2021-mi decembarimut atuutissaaq.

Utoqqarnut tunngasut

	Piffissami 2021-mi juulimiit septembarimut amerlassusii
Nalunaarutigineqartut	
§ 32 - Aalajangerlugu tigumminninneq aamma inimut allamukaassineq	-
§ 33 - Eqqiluitsuutitsinissamik aalajangiusimasaqarneq	-
§ 34 – Najugarisami tigummisaaneq	-
§ 35 – Ujatsiutaasamik annoraaminermik atuineq	1



Inunnut innarluutilinnut aamma Tarnimikkut nappaatilinnut Immikkoortortaqarfik

	Piffissami 2021- mi juulimiit septembarimut amerlassusii
Nalunaarutigineqartut	
§ 32 - Aalajangerlugu tigumminninneq aamma inimut allamukaassineq	-
§ 33 - Eqqiluutsuutitsinissamik aalajangiusimasaqarneq	-
§ 34 – Najugarisami tigummisaaneq	1
§ 35 – Ujatsiutaasamik annoraaminermik atuineq	-

Nalunaarutiginninnermik malinnaaffiginninneq

Nalunaaruteqarnerit sulisumit immersorneqassapput, immikkoortumi aqutsisoq imaluunniit immikkoortoqarfimmi aqutsisoq suleqatigineqarsinnaavoq. Nalunaaruteqarnernut ataasiakkaanut tunngatillugu, malitseqartitsisoqassanersoq aamma pitsaaliuutaasinnaasumik suliniuteqartoqassanersoq isummertoqartassaaq, nalunaaruteqarnermut pissutaasut qanorpiaq ittuunera tunngavigalugu.

Najugaqatigiiffinni immikkoortuni aqutsisut, taakkunani immikkoortoqarfinni aqutsisut kiisalu fagcheft tamarmik nalunaarutiniq suliaqartussaapput tamarmillu immikkut suliniutaareersunik oqaaseqaateqartarput, aamma pitsaaliuinnermut tunngatillugu suliniutit pillugit.

Nalunaarutiginninnerit immikkoortoqarfimmi aqutsisut ataatsimiinneranni eqqartorneqartarput misissorneqartarlutillu tamannalu qaammatit marlukuutaarlugit ingerlanneqartarpoq, isummerfigineqartarporlu nalunaarutitut tunngatillugu suliniutit suut aallartinneqassanersut. Pisuni nukinginnartuni, immikkut ittumik ataatsimiigiaqqusisoqartarpoq.

Ingerlatsivimmit aningaasatigut sulisoqarnikkullu naliliinerit Ilanngussaqaqqanngilaq.

Suliffeqarfimmut Kiffartuussivimmit aningaasatigut naliliineq Pisariaqaqqanngilaq.

Inatsisitigut tunngavissaq allakkallu tunngaviusumik uppernarsaatitalit

- Isumaginninnermik suliassaqaqarfimmi pissaanermik atuineq pillugu Inatsisartut inatsisaat nr. 1, 21. novembari 2013-imeersoq

Ilanngussat

Ilanngussaqaqqanngilaq.

Punkt 5: Angerlarsimaffeqanngitsut ajornartoornermi unnuisarfianik ingerlatsinermik tiguserup killiffissiornera

Beslutning

Inassuteqaat akuersissutigineqarpoq.



Angerlarsimaffeqanngitsut ajornartoornermi unnuisarfiannik ingerlatsinermik tiguserup killiffissionera

Ilisimatitsissut

SagsID.: EMN-2021-15063

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Aggustip 27-anni 2021 Suliffeqarnermut Isumaginninnermullu Ingerlatsiviup Tarrag ingerlatsinermut isumaqatigiissuteqarfiginera taamaatippaa, taavalu Nuummi angerlarsimaffeqanngitsut unnuisarfiat najukkani Kujallerpaat 7-imi, aammalu Blok C, D-mi Kongevejimiittut ingerlanneqarnerat tigullugit.

Tamatuma kingornagut piffissami siullermi angerlarsimaffeqanngitsunut ajornartorsiuteqartunullu aqqusinermi sullissisartut ajornartoornermi angerlarsimaffeqanngitsut unnuisarfiata ingerlanneqarnera isumagisarilerpaat.

Sulisut atuisullu qanoq ingerlanerisa malinnaaffiginerisa saniatigut, suliassat assigiinngitsut arlaqartut isumagineqarsimapput, tassunga tunngatillugu sularineqartussat ilaatigut internettimut attaveqaatip aallarteqqinnera, inissiat ilaanni innaallagiaqannginneq aammalu damvaskerimik isumaqatigiissuteqarnissaq, oqorutit qaliinik ullut tamaasa errorsisoqartarnissaa pillugu.

Suleqatit

Angerlarsimaffeqanngitsut unnuisarfianni sulisut atuisullu ingerlallualernissaat aaqqissuunneqarnissaallu qitiutillugit sammineqarsimapput.

Sulisut 14-it pisariaqartinneqartut nalilernerqarpoq, piffissat suliffiusartussat ataqatigiissikkumallugit. Sulisussat tamakkerlugit pissarsiarineqarnerat iluatsippoq, sulisullu tamarmik sulinermi isumaqatigiissusiorfigineqarlutik. Sulisut akulikitsumik ataatsimeeqatigineqartarput.

Angerlarsimaffeqanngitsut unnuisarfianni aqutsisoq sulisussanik atorfinitsitsisarpoq, aammalu atorfininnermi isumaqatigiissutinik atsiorsinnaatitaalluni, sulisunillu soraarsitsisinnaatitaalluni.

Atuisut

Angerlarsimaffeqanngitsut unnuisarfiat ullup ingerlanerani matusarpoq suliassaqartitsisoqarnissaa eqqarsaatigalugu. Aamma illumi malittarisassat atuutilersinneqarput, aammalu qaammammut ataasiarluni atuisut ataatsimiitinneqartassapput.

Suliamik ataqatigiissaarisoq iliuusissatut pilersaarusiortarnermik nangitsissaaq.

Arnat blok C-miiginnarlutik namminneq inigisaminniissapput. Arnat atuisut 15-it missaanniipput. Pitsorluttut inissianut allernut nuutinneqarput.

Kujallerpaani inissat 36-iupput, blokkinilu tamani 30-nik inissaqarpoq.



Suliamik ataqatigiissaarisoq attaveqaatit ataatsimeeqatigisarnissaannik aallartitsissaaq, taavalu angerlarsimaffeqanngitsut unnuisarfiani avataanilu suleqatit, soorlu peqqinnissaqarfiup attaveqarfigeqqittalernissaa isumagalugu.

Ingerlariaqqinnissaq

Maanna aallarniutigalugu ingerlalluortoqalerlunilu eqqissisimasoqalerpoq, kisianni sulii qanoq ingerlariaqqinnissaq pillugu ungasinnerusorlu eqqarsaatigalugu suliatigut qanoq sullissisoqassanersoq pillugu malinnaasoqartariaqarpoq. Pisariaqartitsineq naapertorlugu ingerlatsivik ataatsimiititamut ilisimatitsissuteqarlunilu aalajangiiffissatut siunnersuuteqartassaaq.

Ingerlatsivimmit aningaasatigut sulisoqarnikkullu naliliinerit

Isumaqatigiissutip atorunnaalinnginnera sioqqullugu suliassamik tiguserup aningaasatigut kingunerisassartai maanna malinnaaffigineqarsinnaaleriartorput .

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitallit

- Angerlarsimaffeqanngitsuuneq pillugu periusissiaq
- Angerlarsimaffeqanngitsuuneq pillugu immikkoortumut pilersaarut

Ilanngussaq

Ilanngussartaqanngilaq.

Punkt 6: 2022-mi suliat allaaserineqarnerat

Beslutning

Inassuteqaat akuersissutigineqarpoq.

Bilag

2022-mi Suliat allaaserineqarneri



2022-mi suliat allaaserineqarnerat

Aalajangiiffigisassaq

SagsID.: EMN-2021-13396

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- 2022-mi suliaassanik allaaserinninnerit ataatsimiititap akuersissutigissagai
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut inaarutaasumik akuersissutigineqarnissaanut ingerlateqqinneqassasoq

Suliasamik saqqummiussineq

Suliat allaaserineqarnerat ukiut tamaasa nutarterneqartassapput politikikkullu akuerineqarlutik. Suliat allaaserineqarnerisa ukiumut ataasiarlugit nutarterneqarnerini neqeroorutaasutut allaaserisat politikikkut anguniakkanut, inatsisinut neqeroorutinullu naapertuuttuunersut qulakkeerneqartartussaavoq.

Suliat allaaserineqarneri tassaapput Isumaginninnermut Suliffeqarnermullu Ingerlatsivimmit innuttaasunut neqeroorutit innersuussutigineqarsinnaasut ataatsimut takussutissartai. Politikikkut sakkussaallutillu innuttaasunik kiffartuussinermi ersarissuutisillutillu assigiissaarinnissamik qulakkeerutaasut aamma tulleriissaarisartut sulisunullu tamakkuninnga suliaqartunut sulinerannut najoqqutassiaallutik.

Aaqqiissutissatut siunnersuut – suliatigut naliliineq

2021-mi suliat allaaserineqarnerinut ilanngussaartoqarpoq. Tulliuttuni aaqqiissutit pingaarnerit allaaserineqarput.

Nalinginnaasumik:

- Suliat allaaserineqarneri ingerlatsivimmit neqeroorutigineqartunut eqquutsinneqarniassammata naleqqussagaapput.
- Suliamik suliaqarnermi piffissaliussat misissorneqareerlutillu nutarterneqareerput.
- Suliat allaaserineqarnerini imarisamigut ataqatigiissumik tulleriinnilersugaavoq, assersuutigalugu sullissinermi siunertaq sullinniakkallu suliat allaaserineqarnerini siullinngorlugit inissinneqarsimapput.
- Suliat allaaserineqarnerini ulluinnarsiorpalaartunngorlugulu immikkoortunut inissitsikkamik ilusilerlugit suliaapput, taamaalillutik atuaruminarlutillu ersarissuullutik.
- Suliat allaaserineqarnerini siuliini sullissinermik tunniussisussaqaq allassimasaraluarpoq, toqqaasinnaanerli periarfissaajunnaarmat taanna peerneqarpoq. Kingumulli periarfissaaleqqippat taanna ilannguteqqinneqarumaarpoq.

Utoqqarnut tunngasut

- Innarluutillit pillugit inatsimmut nutaamut naapertuuttunngorsaanerup kingunerisaanik sullissinerit pingasut nutaat ilanngunneqarput, ukuusut "Nammineq angerlarsimaffigisami isumassorneqarnissamut taperserneqarneq", "Ikorfartortit" aamma "Ingiallorteqartitsisarneq".
- Sammisassaqaartitsinermi neqeroorutit marluusut "Ulluunerani angerlarsimaffik" aamma "Ulluunerani ornittagaq" suliat allaaserineqarnerini ataatsimoortinneqarput, taallugit "Sammisassaqaartitsinermik neqeroorut", neqeroorut ataaseq tassani pineqarmat.



- Innuttaasut sullinneqarnissamut innersuussisarnermi puigortunngortunut tunngasunik ilaqanngimmat suliat allaaserineqarnerinit peerneqarpoq. Taakkununga tunngasunik ingerlatsivimmi suliat sulii taakkuuppuut.

Inunnut innarluutilinnut aamma Tarnimikkut nappaatilinnut Immikkoortortaqarfik

- "Sammisassaqaqtitsinissanut katerisimaaqateqaqtitsisarmissanillu neqeroorut unnukkut ammatitsinissamik periarfissalik" suliat allaaserineqarnerinit peerneqarpoq. Taarsiulluguli suliat allaaserineqarnerini "Sammisassaqaqtitsinermut najortigiinnissamullu neqeroorutitut" ilanngunneqarpoq, neqeroorut ataaseq pineqarmat.

Oqartussaaffeqarfik

- Angerlarsimaffeqanngitsunut unnuisarfik inissiallu katitertakkat kommunimit ingerlanneqaqqinnerat iluarsineqareerpoq.

Suliffeqarnermut tunngasut

- Allaaserinninnermi nutaartaavoq - "Sulilersitsiniaaneq", naatsorsuutigineqarporlu 2022-mut missingersuutissanik akuersissutiginninnermut atatillugu akuersissutigineqassasoq. Kommunimi suliffissaqaqtitsinermi sulilersitsiniaasarnissaq 2021-mut missingersuutit pillugit isumaqatigiisummi politikkikkut kissaataavoq.

Suliat allaaserineqarneri assigiissarneqaraluartut illoqarfinni sumiiffinnilu assigiinngitsuni ilinniarsimasunik atorfinitsitsiniarnerup ajornakusoornera peqqutigalugu assigiinngitsuunissaat ingerlatsivimmit qularutigineqanngilaq. Taamaattorli suliat allaaserineqarneri naapertorlugit sulisunik ilinniartitsisarnermik suliniuteqartoqassaaq. Assersuutigalugu nutaanik sulisortaarnermi ilinniartitsinermi suliat allaaserineqarnerat sammineqartalernikuvoq.

Ingerlariaqqinnissaq

Allannguutit akuersissutigineqassappata allaaserisat iluarsisat malillugit ingerlatsivimmi suliffeqarfiit sulissapput.

Suliat allaaserineqarnerisa kommunip suliffeqarfiinut ingerlateqqinneqarnerisa saniatigut kommunip nittartagaanut ikkunneqassapput.

Ingerlatsivimmit aningaasatigut sulisoqarnikkullu naliliinerit

Suliat allaaserineqarnerinik suliaqarneq aningaasatigut sulisoqarnikkullu kinguneqassanngitsoq ingerlatsivimmit nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatitalit

- o Suliat allaaserineqarnerat inatsisinik atuuttunik aallaaveqarpoq. Kiffartuussinermi ataasiakkaani inatsit atuuttoq tunngavigneqartoq allassimavoq.

Ilanngussa

1. 2022-mi Suliat allaaserineqarneri

Punkt 7: Suliffeqarnermut Isumaginninnermullu Ingerlatsivimmi piginnaatitsinermik agguataarinissamut pilersaarummik nutarterineq

Beslutning

Inassuteqaat akuersissutigineqarpoq.

Bilag

Suliffeqarnermut Isumaginninnermullu Ingerlatsivimmi piginnaatitsinermik agguataarinissamut pilersaarummik nutarterineq



Suliffeqarnermut Isumaginninnermullu Ingerlatsivimmi piginnaatitsinermik agguataarinissamut pilersaarummik nutarterineq

Aalajangiiffigisassaq

SagsID.: EMN-2021-13456

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- Suliffeqarnermut Isumaginninnermullu Ingerlatsivimmi piginnaatitsinermik agguataarinissamut pilersaarut nutaaq akuerineqassasoq

Suliassamik saqqummiussineq

Suliffeqarnermut Isumaginninnermullu Ingerlatsivik siornatigut piginnaatitsinermik agguataarinissamut pilersaarusiornikuuvoq tamannalu pisariaqartitsinermi nutarterneqartarpoq, soorlu Kommuneqarfik Sermersuumut piginnaatitsinermik agguataarinissamut pilersaarummumut tamanut atuuttussamut tunngatillugu nutarterneqartarpoq. 2020/21-mi piginnaatitsinermut agguataarinissamut pilersaarut tamanut atuuttussap nutarterneqarneranut atatillugu Suliffeqarnermut Isumaginninnermullu Ingerlatsiviup piginnaatitsinermut agguataarinissamut pilersaarutaa nutarterneqartariaqartarpoq Ingerlatsivik naliliivoq.

Kommunalbestyrelse kommunimi qullersaalluni oqartussaasuvoq, kommunillu aqunneqarnera suliffeqarfittut pingaarnertut akisussaaffigalugu. Kommunalbestyrelsip aqutsinermi ileqqoreqqusaaq tunngavigalugu politikikkut ataatsimiititanut allaffeqarfinnullu kommunimut ingerlatsinermut aalajangiisinaatitaanermut oqartussaanerup ilaa agguataarnikuuaa. Tamanna Kommuneqarfik Sermersuumi piginnaatitsinermut agguataarinissamut pilersaarusiornermi tamanut atuuttussamut Suliffeqarnermut Isumaginninnermut Ingerlatsivimmi piginnaatitsinermut agguataarinissamut pilersaarummi takuneqarsinnaavoq.

Suliffeqarnermut Isumaginninnermullu Ingerlatsivik piginnaatitsinermut agguataarinissamut pilersaarummi atuuttumi immikkoortortani sorlarni suliassaqarfiit sorliit inissisimanersut suliassanullu allattorsimaffinnut agguataarinikkut aalajangiisussaataitanermilu piginnaatitaaffinnik erseqqissakkanik allattuiniikuvoq. Takkua saniatigut aningaasaliinissamut akuersinnaatitaaneq pilersaarusiornermullu tunngasumik, aqutsinermut isumaqatigiissutinullu tunngasunik aqutsisunik nakkutilliinermi kommunimi piginnaatitsinermut agguataarinissamut tamanut atuutsinneqartumut naleqqussakkanut ilanngussisoqarnikuvoq.

Piginnaatitsinermut agguataarininnernut pilersaarutit allattorsimasut isumannaatsumik sulianik assigiimmik suliarinninnissamik Naalagaaffiit Peqatigiillu nunarsuaq tamakkerlugu anguniagaanni 16-imi inatsisitigut isumannaatsuunermut aamma qaffasissutsini tamani pisortat suliffeqarfiutaannik ingerlalluartunik, akisussaasunik ilanngutsitsisunillu ineriartortitsinermut qulakkeerinninnissaq. Aammattaaq allaffeqarfinmi aqutsisunut suleqatigiinnullu sakkussaassaaq malittarisassaalluortoq.

Ingerlatsivimmit aningaasatigut sulisoqarnikkullu naliliinerit

Piginnaatitsinermut agguataarinissamut pilersaarusiornermik nutarterineq matumani pineqartarpoq kommunimut aningaasatigut kinguneqarnissaa naatsorsuutigineqanngilaq.

Suliffeqarfinmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaarsaatitalit

- Kommuneqarfik Sermersuumut piginnaatitsinermut agguataarinissamut pilersaarut tamanut atuuttoq.

Ilanngussat

1. Suliffeqarnermut Isumaginninnermullu Ingerlatsivimmi piginnaatitsinermik agguataarinissamut pilersaarummik nutarterineq

Punkt 8: 2022-mi politikikkut ataatsimiiffissat

Beslutning

Inassuteqaat itigartitsissutigineqarpoq imatut oqaaseqaatitalerlugu: nalinnaasumik ataatsimiinerit malunngornermi marlunut ingerlatiinnarneqarnissaat ataatsimiititami kissaatigineqarpoq.

Bilag

2022-mi politikikkut ataatsimiiffissatut siunnersuut

2022-mi politikikkut ataatsimiiffissat

Aalajangiiffigisassaq

SagsID.: EMN-2021-11031

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Suliffeqarnermut Isumaginninnermullu Ataatsimiititamut inassuteqaatigaa:

- ataatsimiititap 2022-mi ataatsimiiffissai akuerineqassasut

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalackersuisut ilisimatinneqarnissaannut kommunalbestyrelse pisussaavoq.

Suliffeqarnermut Isumaginninnermullu Ataatsimiititami ataatsimiittarnerit tallimangornikkut nal. 14.00 ingerlanneqartassapput. 2022-mi ataatsimiititaq arfineq-pingasoriarluni ileqquusumik ataatsimiissaaq.

Politikkikkut ataatsimiiffissat taamatullu ataatsimiinnerni oqaluuserisassat imaqarniiallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2022-mi politikikkut ataatsimiiffissat Naalackersuisunut nassiunneqassapput.

Ingerlatsiviup aningaasaqarnikkut sulisutigullu naliliinera

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqaateqartitsisoqanngilaq, Suliffeqarfimmulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut il.il. taakku naleqqussarneqarniassammata.

Inatsisitigut tunngavissaq allakkallu tunngaviusumik uppersaatitalit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat

1. 2022-mi politikikkut ataatsimiiffissatut siunnersuut

Punkt 9: Lukket

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15.10.